

始終不能竟抵紹興水深時祇可至紹興之小潭村水淺時祇可在五龍埠停泊該兩地段離紹興府城究有若干遠其情形究竟若何兩稅務司翻閱地圖數種均無可考是以無從核定等因本大臣查二十四年內港補續章程第六款載有凡華洋輪船往來內港必須在民船貿易常赴之埠起貨下貨不准在別處任便起下如違章在別處起下即照條約所載沿海私作貿易之條辦理茲按貴撫部院咨稱小潭村地方並無關卡可以稽征其非民船貿易常赴之埠已可顯見爲此備文咨復並分咨南洋大臣查照外即希貴撫部院斟酌核辦須至咨者

各省航路彙誌

山東 濟南府近設有輪船局往來濟南楊家溝煙臺天津等處

江蘇 近聞張季直殿撰特集股創辦通州小輪拖帶駁船以便商旅

浙江 海鹽縣癸卯秋間曾設輪局以故中止甲辰冬復有華新公司之設立仍走平湖上海

福建 福州小西湖內通河流外吸江水成豐閘經林文忠公脩濬後久淤塞近藩司周方伯籌款議脩擬先浚西河口以導水源而使船隻云

廣西 桂省與安南交界之通商權法人前向中國要求後當由粵督派員前往龍州調查情形按於光緒十二年所訂中法條約不相違背已逕自允准稟達外部